

2 PITA

KUIMP TEPA IK KŪŁ

Ya Buk Ei Nga Puł Ei:

Ik mbo wu kol ropa mbu, enim nga ruk ting ila anduk, enim nga pilpa kungundi etuk kit munding, ei nga rup itui! Ei nga, rondul munduk, Kraist kun mondak pilik mutui.

Ya Buk Ei, Nam Ndi Rurum:

Ya buk ei, Pita ndi rurum.

Mon Ropa Nam Ngurum:

Ya mui kona ila mondpa pili wamp mbu kan pora, mon ei ropa ngurum.

Ui Nant Ila Rurum:

Ei Kraist metung ei kan, mbuldung orunga pana 65 mba 68 (AD) ila kul rurum ei, Rom kona ila.

Ik Rondul: 2 Pita 1:3

Got nga rondul ila, mondpa pili wamp kupa mbu, mutamin nimba mel kai na, pilpa kungundi mbu tun ngurum. Ei kan, tun nga ul kun kai tila mon, tun etpa tupa, elim nga ul eng nui mbila mutamin nimba itim wu ei, mondap putmun ei nga, nindpa itim.

IK PENG KŪŁ

Rump

1:1-1:2 - Pita ndi, akil tepa mon ti ropa ngurum

1:3-1:15 - Got ndi, tun elim nga nimba wi ropa titim

1:16-1:21 - Tun ndi, Got nga ul eng nui ei, Kraist kan titim kundarmun

2:1-2:22 - Ik mbo wu kul ndi, ik kol rok mbo endutung

3:1-3:9 - Kupa, nuim ei, yant omba

3:10-3:13 - Wote, mut mui ral pora nimba

3:14-3:18 - Tun ndi, rup etpun, nokundpun mutamin

Pita Ndi, Akil Tapa Mon Ti Ropa Ngurum

1 ¹Na Saimon Pita Jisas Kraist nga kongun wu, wote nombuŋa rung wu ei ndi, mon ti rop, tən nga Got, wote Etpa Ti Wu Jisas Kraist nga uŋ kun kai mbila, tən etpa, elim nga mondpa pili wamp mundrum ei mel, enim wamp mormin mbu kən, mon rop ngont.

²Tən nga Nuim Jisas ei kən, rəmp nduk, Got nga pilpa kungəndi ei, enim kən tək tek muŋangina, elim nga wamp poŋ ti uŋ ei kən, wamp moŋpa kundi uŋ mbu, enim ngumba.

Got Ndi, Tən Elim Nga Nimba Wi Ropa Titim

³Got nga ronduŋ ila, mondpa pili wamp kupa mbu, muŋeimən nimba mel kai na, pilpa kungəndi mbu tən ngurum. Ei kən, tən nga uŋ kun kai tila mon, tən etpa tupa, elim nga uŋ eng nui mbila, muŋəmin nimba itim wu ei, mondəp pətəmən ei nga, nindpa itim. ⁴Uŋ ila, Got ndi, tən memp kai mat nguimp, nimba mui ropa pinditim mel mbu ngorum. Ei kən, ya mui kona ila gem ngurum mel mbu təkən. Wote, uŋ kit mbu, numan ngui nganggəkən, Got nga kangambuŋa kupa ralkən, elim nga numan pilpa uŋ etəm mbu mel, itəmin nimba itim. ⁵Wote, uŋ kai mbu etkən, nim nga mondpa pili ei nga pol ila numan kai mbu omba, wote uŋ kai nga pol ila, pilpa kungəndi kai mbu ngurum. ⁶Ei nga, enim nga kung ei nga numan ngorum uŋ mbu, mop map itui! Mop map iti uŋ ei tək, enim nga mbun koma rui uŋ ei kən, kup indui! Wote, Got nga uŋ kun kai uŋ ei tək, mbon koma rui uŋ ei kən, kup indui. ⁷Wamp ʊngənuŋ kən, mən mudi uŋ kai ei təkən, Got nga uŋ kun kai uŋ ei kən, kup indui! Wamp pui numan ngui uŋ ei tək, wamp ʊngənuŋ kən, mən mudi uŋ ei kən, kup indui! ⁸Wote uŋ mbu, enim kən pepa, ronduŋ pum ndam, enim nga pilpa kungəndi ei, wei ti natumba mon! Enim nga pilpa kungəndi ei, rung mong ou ndupa romba. Enim ndi, tən nga wu Nuim Jisas Kraist ei, enim pilik pora nduing. ⁹Wote, wamp nam ti ndi, uŋ kuŋ elim kən pi napəm ndam, mel roŋ etpa tetəm mbu, kandpa poŋ ndui nandumba. Ei mong ti, wamp na ni mel kapŋa. Wote, elim nga uŋ kit unt nga mbu, pendpa kitim uŋ ei, elim pilpa kun iti natətəm. ¹⁰Ni kən, na nga wamp angmən kuŋ, Got ndi, enim wi ropa tupa pora ndupa, enim təp elim nga nimba to ropa titim. Ei kən, enim ndi, kongun kuŋ ronduŋ mondək eng ndam, enim uŋ mbun ti ndi, enim nga mondpa pili, ei ropa mana ndui nandumba. ¹¹Wote, enim uŋ kuŋ mel pep rong ndam, wote nombuŋa mam ei, wei tiyangga kump kəm rukrəng mbun, tən nga Nuim kən, Etpa Ti Wu Jisas Kraist nga tupa mumuk rui kona ila, rək rək molk mint ping.

¹²Ei kən, enim uŋ it mbu nga pətmin ei, wote ik kupa ei, pilik tək pol ila anggilik, wote na ndi, ik kupa mbo indət ei, pilik tək, enim akup mormin. Ei nga, wote na ndi, ui mbila rək rək enim nga numan orunga

rop rut ndup nimp ku. ¹³Na p̄ant ei, uʔ kai ei, na k̄ung kuʔ kont mont ei k̄un, enim r̄ak r̄ak rop rut ndup, numan orunga rop rut ndup nimp mint. ¹⁴Na p̄ant ei, ui nondpa tila, na nga k̄ung kuʔ wak ruimp. Ei k̄un, t̄un nga wu Nuim Jisas Kraist ei ndi, na kundpa nitim. ¹⁵Ei nga, na ndi, kongun ronduʔ mund̄ap et̄ap, enim kund̄ap namba pilik molk k̄un, wote na kunt ei k̄un, enim ndi, ik n̄unt mb̄u, ui mbila pilik mint muʔeing.

T̄un Ndi, Got Nga Uʔ Eng Nui Ei, Kraist K̄un Titim K̄und̄arm̄un

¹⁶T̄un ndi, ik kep nombun ik timan mat mim et̄p̄an, t̄un nga Nuim Jisas Kraist elim ronduʔ ei, mepa yant omba ei nga, enim kund̄ap ni n̄and̄at̄m̄un mon. T̄un nga mong raʔ ila, elim nga ronduʔ pi uʔ k̄und̄arm̄un ei mel, kun kund̄ap nitmin. ¹⁷Got Tipam ei ndi, elim ni mbi paka rondpa mbi ou ngurum. Got elim rap̄andi pol ruk̄ar orunga ila moʔpa mana omba, Jisas k̄un nimba mel, “Ya ei, na nga kanḡum mend̄p̄uʔ ei, na numan minal ngor. Ei nga, na elim k̄un numan minal ngont,” nitim. ¹⁸Wote t̄un k̄un, elim k̄un komnga wingti ila moʔmina, Got nga ik ei, wi muʔ kona ila mana oʔnga pit̄m̄un. ¹⁹Ei k̄un, t̄un ndi, painui wu kuʔ nga ik ei, kupa n̄amp pil̄p̄an, ronduʔ mond̄ap p̄at̄m̄un. Ei k̄un, enim ndi, wu kuʔ nga ik ei, ronduʔ mund̄ak amb̄arm̄un ei, ik kupa. Nambuʔ emel, painui wu kuʔ nga ik ei, kiya mel kona rumb̄uʔ morum ila ruʔang mba k̄un, wote kona rangr̄um. Ei k̄un, M̄uk̄alm̄u Mipil pet̄um ei mel, enim nga numan orunga ropa r̄at̄ ndurum. ²⁰⁻²¹Ni k̄un, enim unt pilik kun it̄ui! Wote enim ndi, enim nga numan orunga, uʔ mat iti n̄ut̄ui! Ei nga, wote enim ndi, painui wu mb̄u nga Buk Wingti ila, ik puʔ pet̄um ei mel, ni n̄anmin mon. Ei nambuʔ emel, unt kor nga wamp ti ndi, painui ik ei nga, elim nga numan ila ni n̄and̄at̄um mon! Wote, Muʔnga Wingti elim ndi, wamp numan orunga ropa r̄at̄ nduʔnga n̄utung ik ei, Got elim ndi, wamp mb̄u ngurum.

Ik Mbo Wu Kol Ropa Mb̄u

2 ¹Wote, unt painui wu kol mat, Isrel wamp kuʔ nga ruk ting ila ekit orung. Ei mel ku, ik mbo wu kol mat, enim nga r̄ak ting ila, ekit uing ku. Mb̄u mo rok, ik kol elpa elpa mb̄u n̄uk, wamp et̄ak kit munding. Wu Nuim ei ndi, rop ropa ruk̄ar titim wu ei, wamp kuʔ ndi, t̄ak mbuʔ nguing. Wote, uʔ ei mel et̄ak, wamp kuʔ ndi, en enim kit muʔing uʔ ei, mek ruk̄ar uing. ²Wote, wamp ou ndupa wapa rok, uʔ kit elpa elpa et̄m̄un mb̄u, pep ruing. Wamp mb̄u i etangina k̄un, wamp wei mb̄u ndi, nombuʔa mam kupa ei nga n̄uk kit munding. ³Ik mbo wamp mb̄u, kandpa kum pindi uʔ ei nga puʔ wamp kuʔ, i et̄ak ik kep ou nduk nok, ku moni na mat, kand̄ak kum pend̄ak ting. Wote, unt Got ndi, k̄amp t̄amba ui ei nga t̄upa kun itim. Ei nga, wamp kuʔ kit muʔing. Ei nga, ur pi nap̄upa nokundpa morum.

⁴Unt anggelo mat, uʔ kit etung mbu, wote Got ndi, wak rui narurum mon! Wote elim ndi, kan ngumba pinditim ei nga, ndip kona ila pek kump tumba ui ei, nokundak mormun. ⁵Unt wamp morung mbu ndi, Got tuk mbuʔ ngurung. Wote elim ndi, wamp kuʔ wak rui narurum mon. Wote, Got ndi nilinga, wamp kuʔ kun nu kui oʔnga, wamp kuʔ kit morung. Wote Nowa ni, ik kun kai ei nga, tupa pena ila pendpa nitim. Ni kun, Got ndi, Nowa kun, wamp ⁷kuʔ kun etpa tilinga, kont morung. ⁶Got elim ndi, Sorum Gomora kona ou raʔ, kump tupa ropa ndip kurum. Wote, tun wamp mbu ndi, Got tapan mbuʔ nguman ndam, uʔ unt nga to ropa itim ei nga pilumin. Ei wote, tun kun, i ku etpa romba ei nga ora ndunum. ⁷Wote Lot ndi, wamp wapra rorong uʔ mbu pilpa mbun tilinga, Got ndi, etam etpa titim. ⁸Ei kupa, wu kun kai ei, wamp kit kuʔ nga ruk ting ila moʔpa, wamp mbu nga uʔ kit etung mbu, ui mbila ruk ruk kandpa kun, elim nga numan orunga mbun titim. ⁹Ei nga, wote oʔa tupa kuni uʔ mat, Got elim kun pep rormun wamp mbu kun, orum ndam, Nuim elim ndi, oʔa tupa kuni uʔ mbila etpa tutum. Wote, Nuim ei ndi, wamp uʔ kit etmin mbu, tepa moʔpa ui ou ila kump tumba ku. ¹⁰Ei kun, wamp mat wapra rui uʔ mbu etuk, Got wu ronuʔ ei, tuk mbuʔ ngorumun. Ik mbo wamp mbu ndi, ik kol rok, en enim nga numan ila mint andurmin. Ei kun, wote mundmong iti natuk kun, wi muʔ kona ila anggelo kuʔ nga ik mbuldung nandak andurmun. ¹¹Wote, anggelo kuʔ ndi, wu kuʔ tuk mana ndurmun. Wote, ik mbo wu kol rui wu kuʔ nga ronuʔ ti natatung. Wote anggelo kuʔ, ronuʔ mam ti tutmin wamp kuʔ, ik mbuldung orunga ni nandak, wamp mat kun, ik kit ni nandak, Nuim ei nga kuimp keta ila iti natutmin mon! ¹²Wote wamp kuʔ, kui kui na mel rakra, numan mbo pi naputum ei mel, wote wamp kuʔ, kung orunga uʔ mbu mint patmin. Wote, tuk kan ngangina ila, pendak wamp mbu ndi, tuk rok kunding mbu mel mbu, pili naputmin. Ei wamp mbu ndi, ik kit natmin kui kui na mel rakra mbu, kit mormun ei mel ku, wamp mbu kit muning.

¹³Wamp mbu ndi, uʔ kit elpa elpa etmin mbu, wote punt ropa ngumba. Wamp mbu, en enim nga kung orunga paka rok kun, uʔ kit mbu, pena mbila ambulk palk etmin. Wamp mbu, en enim nga uʔ kol mbu ambulk palk etuk kun ok, enim kun rung tenda ila normin ei kun, enim wamp wei mbu pipil kurmin. ¹⁴Wamp mbu ndi, en enim nga mong mbu ndi, amp mbu ruk ruk kandak, kom pendak mong ting ei nga patmun. Wote, wamp mbu nga mong raʔ ndi, uʔ kit iting ei nga wak rui narumun mon. Wamp numan orung ronuʔ pi nupurum mbu, kunt kan elingina, uʔ kit mbu etung wamp mbu, mbo endak pora nduk, wamp mat nga mel mbu kandak kum pendatung. Wote Got ndi, wamp mbu mot ndumba etpa romba. ¹⁵Wamp mbu ndi, uʔ kun kai mbu wak rok, i etmin uʔ ei ndi, pilpa kungundi kai ti natmun. Wote, wamp mbu ndi, painui wu Biyor kangum Belam nga nombuta mam ei pep rorong, wu ei uʔ kit mbu, etpa

ku na mel mat nging nimba pilpa itim. ¹⁶Wote, elim nga kng donggi ei, ik ni nandutum. Ei nga, donggi ti, wamp mel ik nutum ei? Belam elim ut tawa itim ila, kng donggi ei ndi, painui wu ei nga nombuta mam ei ropa ngurum.

¹⁷Wamp i iti mbu, nu kut ila nu muti namburum ei mel, kupa mat kapku mam ei ndi, ropa mundutnga, mbu mbat nimba purum. Got ndi, kona rumbut mul ei, tupa kun itim ila wamp mbu ping. ¹⁸Wote, wamp i iti mbu, ke nuk, en enim nga orunga kaip nanduk etmun wamp mbu, kunt kan elinga, wapa rui ut na, ut kit elpa elpa mbu etmin. Ei kun, wamp mat kot ila, numan ropul rormun kunt rok, ekit tuk ut kit mbu, mbo endutmun. ¹⁹Wote, wamp kit mbu ndi, ei mel nutmin. Mel ti ndi, tun ropa mana ndui nandumba. Wote, en enim ndi, ut kit ei nga kongun wamp mel muting. Ni kun, mel ti ndi, wamp ei, tupa mana ndum ndam, wamp ei mel, ei nga kindmant wamp mel motmba. ²⁰Kupa wamp kut, Jisas Kraist kun, pilpa kungundi tutung ei, tun nga Etpa Ti Wu Nuim ei motpa, tun etpa rukur titim. Wote pilpa kungundi ila wamp mbu, nung nuk, ya mana mui kona ut tar mul mbu, wak rorong. Wote, ut kit mbu, aldpa eng ndam, wamp kut ut kit ei ndi, tupa kan ngangga kit muting. Kuimp tek kit murung ei mel, wei wei etpa. Wote, kit muting ei, ama kit molk pora nduing. ²¹Ei kun, wamp kut ndi, Got nga ut kun kai ei nga pilpa kungundi kai ei, unt pilik ti natilingina ndam, kapta elinga. Wote, mi ik wingti kut, pilik pora nduk aldpa tuk mbu ngormun ut ei, kapta mon! ²²Ut ei nga, Buk Wingti ila ik ek ti petum ei ndi, nimba mel, "Owa ei ndi, mik ropa mondpa, aldpa elim norum." Wote, ik ek ti ei mel, "Kng ei, nu tepa pora ndupa, wote mba ui ila pilpil pepa ku etum," nutum.

Nuim Ei Kupa Yant Omba

3 ¹Na nga wamp mun kupa kut nga, akil tep mon ei rop enim ngunt, ya mon rat ila, enim ik ei mel kundup nunt, enim nga numan orunga, nump piral ndont, wote ik ei, pilik mbi nduing. ²Wote, na pant ei, enim ndi, ik akil tepa omba ei piling, painui wu wingti mbu ndi, nuk mot ndurum. Ei ndi, Nuim ei nga mi ik ei kun, tun Etpa Rukrang Ti Wu ei kun, enim nga nombuta rung wu kut nga ik putung ei, kapta pilik mutui!

³Unt enim ut ei, pilik kungundi ui pora nimba ei kun, enim tuk ik kuldung wamp mbu ekit ok, en enim nga ut kit etmin numan orunga petum mbu, pep ruing. ⁴Ei mel, nimba mui ropa, nuk mel, "Elim yant uimp nitim ei? Wote elim nul morum? Elim ui nawum. Unt anda kouwumun korung ui ei kun omba, akup ei kun, mel mbu kump kum itim ei mel ku, akup tetum. Ei Got ndi, mim itim ei mel," nutung. ⁵Unt kor nga, Got ndi, ik nilinga, mut mui rat pitim. Wote nu ila, mui ei etpa ota titim. Ut ei, wamp mbu pilik kun iti natutmun. ⁶Wote, Got

ndi nilinga, nu ei, mui kona ila kui omba, mel mbu ropa kundrum. 7Wote, Got nga ik ei ndi, akup muŕ ei tupa, kum roŕnga, mui ei ndi, ndip elim kun omba ei nga, nokundpa morum. Wamp kit mbu, Got tuk mbuŕ ngormun wamp mbu, kamp tupa, ropa kaŕmba ei nga, nokundak mormin.

8Wote, na nga wamp min mul kuŕ, enim kun ik ti nimp ent ei, tuk apra ndui nandui. Wu Nuim ei nga pilpa kungundi ila, rumbuŕ tenda ei, pana 1000 mel, wote pana 1000 ei, rumbuŕ tenda mel kapŕa. 9Wote, Nuim ei ndi, nimba mui rurum ei nga mel mbu, wang ndupa kongun iti natatum. Wote, wamp mat ndi, kongun wang nduk iting ei nga puŕ ei patum, mon. Wote, elim ndi patum ei, wamp tenda ti, pok tiki puŕi napateing nimba patum. Elim ndi patum ei, wamp pui numan ropul ring nimba patum. Wote elim ndi, tan nga nandpa, nokundpa mint morum.

Wote Muŕ Mui Raŕ Pora Ninggil

10Wote Nuim ei, yant omba ui ei, kindup wamp na ni mel omba. Ui ei kun, muŕ ei, kump kiraipa mam ti, etpa muŕ ei pora nimba. Wote, muŕ ila mel kel kel petum mbu, ndip ei ndi, nomba pora ndumba. Mui ei kunda ku, mel mim itim mbu, kump kam ndip ei ndi, nomba pora ndumba.

11Wote, mel mbu pui, i etpa pora nimba. Ei nga wote, enim etuk muŕing, mel nant? Enim nombuŕa mam wingti ila anduk, Got nga uŕ kai mbu pep rui! 12Uŕ ila, Got nga ui ei, nokundpan muŕamin. Enim ndi, ui ei kongun ronduŕ mundak rak rak etangina, ui ei ekit wangga! Wote, ui ila mint, muŕ ei, ndip nomba pora nimba. Wote, ama ndip ei ndi, mel kel kel mbu kump kam nangga, nu mel etmba. 13Wote Got ndi, nimba mui ropa kun, muŕ kont ti kun, mui kont ti kun, mim itimp nitim. Wote, ila uŕ kun kai mbu mint temba. Tan mui mang kona ei, nokundpan mormun.

Tun Ndi, Rup Etpun Nokundpan Muŕamin

14Wote, na nga wamp man mul kuŕ, enim ndi, ui ei, nokundak mormin. Wote ei mel, kongun ronduŕ mundak, etuk kun kai muŕui! Uŕ kit mbu iti nutui! Wote Got ndi, enim moŕpa kundi uŕ kai ei ngangga, molk kai munding. 15Tan nga Nuim ei ndi, enim nga nokundpa wang ndupa etum. Wote enim ndi, pili uŕ i itim ei ndi, enim etpa rukrang tumba. Wote, Got pilpa kungundi kai ei, tan nga ungun kupa, Pol ngurum. Wote, Pol ndi kunda, ik ei enim mon ropa ngurum. 16Ei mel, elim nga mon kump kam raram mbila, ik ronduŕ pei mat rurum. Ik mbu, wamp ni, wamp mbu ndi, pilik kun iti natatmin. Wamp mat, pilik kungundi neng tutmun, ik ei, ropul rop ti mel nutmun. Ei kun, Buk Wingti ila ik mat petum mbu, uŕ ei mel ku etmun. I etuk kun, en enim etuk kit mondarmun.

17Wote, na nga wamp man mudi kuŕ, enim ndi, pilik pora ndunmin uŕ mbu, wote ekit omba ei nga, rup etuk kai mundui! Wote, mi ik ila, tupa

roi ndui wamp mbæ ndi, enim tæk tiki pindangina, enim ronduŕ mundæk muŕi nambæŕing. ¹⁸Wote, tæn nga Nuim ei nga wamp poŕ ti uŕ ila mormin ei kæn, tæn Rukræng Titim Wu ei, Jisas Kraist tæn ndi, elim pætman. Ei kæn, enim ndi, numan wang nduk, ei ama ou nduk tætman. Wote enim ndi, pilpa kungændi ou ndupa, Kraist kæn tætman. Elim mbi ou tæpa, wote ui mbila ræk ræk moŕpa, mint mba. Ei kupa!